

# К ОПУБЛИКОВАНИЮ

КОМИ РЕСПУБЛИКАЛӦН

ОЛАНПАС

**«Коми Республикаын республика да меставывса тӧдчанлуна  
торйӧн ёна видзан вӧр-ва мутасьяс йылысь»**

**Коми Республикаса Оланпасӧ вежсьӧмьяс пыртӧм йылысь**

Примитӧма Коми Республикаса

Каналан Сӧветӧн

2022 вося урасьӧм тӧлысь 17 лунӧ

**1 статья.** Пыртны «Коми Республикаын республика да меставывса тӧдчанлуна торйӧн ёна видзан вӧр-ва мутасьяс йылысь» Коми Республикаса Оланпасӧ (Коми Республикаса канму власьт органьяслӧн индӧд-тшӧктӧмьяс, 2018, 14 №, 242 ст.; 2019, 20 №, 299 ст.; 2020, 18 №, 297 ст.; 2021, 3 №, 41 ст.; 10 №, 192 ст.) татшӧм вежсьӧмьяс:

1. 4 статьяса 3 юкӧнлысь 2 да 3 пунктъяс гижны тадзи:

«2) торйӧн ёна видзан вӧр-ва мутасьяс видзан да наӧн вӧдитчан юкӧнын дӧнмуын канму контроль (дӧзьӧр) збыльмӧдӧм вылӧ уполномочитӧм Коми Республикаса олӧмӧ пӧртысь власьт орган индӧм (водзӧ – уполномочитӧм орган);

3) торйӧн ёна видзан вӧр-ва мутасьяс видзан да наӧн вӧдитчан юкӧнын дӧнмуын канму контроль (дӧзьӧр) йылысь положение вынсьӧдӧм;».

2. 5 статьяса 3 пунктын «меставывса тӧдчанлуна» кывьяс киритны.

3. 10 статьяса 2 юкӧн гижны тадзи:

«2. Республика тӧдчанлуна торйӧн ёна видзан вӧр-ва мутасьяс видзӧмсӧ котыртӧны да торйӧн ёна видзан вӧр-ва мутасьяс видзан да наӧн вӧдитчан юкӧнын дӧнмуын канму контрольсӧ (дӧзьӧрсӧ) збыльмӧдӧны:

1) уполномочитӧм органлӧн ведомствоувса канму сьӧмкуд учреждение – республика тӧдчанлуна торйӧн ёна видзан вӧр-ва мутасьяс да налӧн видзан зонаяс серти, кутшӧмъясӧн сійӧ веськӧдлӧ;

2) уполномочитӧм орган – республика тӧдчанлуна торйӧн ёна видзан вӧр-ва мутасьясын да налӧн видзан зонаяслӧн мудорьясын, кутшӧмъясӧн оз веськӧдлы уполномочитӧм органлӧн ведомствоувса канму сьӧмкуд учреждение.».

4. 13 статьяса 2 юкӧн гижны тадзи:

«2. Меставывса тӧдчанлуна торйӧн ёна видзан вӧр-ва мутасьяс видзӧмсӧ котыртӧны Коми Республикаын уполномочитӧм меставывса асвеськӧдлан органьяс.

Торйӧн ёна видзан вӧр-ва мутасьяс видзан да наӧн вӧдитчан юкӧнын муниципальной контрольсӧ збыльмӧдӧны Коми Республикаын уполномочитӧм меставывса асвеськӧдлан органьяс Федеральной оланпас подув вылын муниципальной юкӧнъяслӧн бӧрйӧм органьясӧн вынсьӧдӧм положениеяс серти.».

**2 статья.** Тайӧ Оланпасыс вынсялӧ сійӧс официальной йӧзӧдӧм бӧрын дас лун кольӧм мысти.

Коми Республикаса Веськӧдлан котырлы лӧсьӧдны ассьыс нормативной инӧда актъяссӧ тайӧ Оланпас серти.

Коми Республикаса Юралысь

В.В. Уйба

Сыктывкар

2022 вося рака тӧлысь 1 лун

13-РЗ №